



Pou Piblikasyon Imedya: 30/11/2022

GOUVÈNÈ KATHY HOCHUL

GOUVÈNÈ HOCHUL ANONSE AKÒ AVÈK ANTREPRIZ KANADYEN LI-CYCLE POU KREYE APEPRÈ 270 DJÒB NAN KONTE MONROE

Konpayi teknoloji dirab la pral pouswiv devlopman operasyon li yo nan Etazini nan Eastman Business Park; li angaje pou li kreye plis pase 270 nouvo djòb

Li-Cycle pral resevwa jiska 13.5 milyon dola kòm sipò Eta a atravè Pwogram Kredi Enpo Djòb Excelsior Empire State Development lan

Envestisman Eta New York la ap konplemente Inisyativ "Finger Lakes Forward" lan – ki se estrateji global rejon an pou revitalize kominate yo ak devlope ekonomi an

Reprezantasyon grafik pwojè a disponib [isit la](#)

Gouvènè Kathy Hochul te anonse jodi a akò Eta New York avèk Li-Cycle, yon konpayi rekiperasyon resous batri lityòm-ion, pou kreye apeprè 270 djòb nan Konte Monroe atravè Pwogram Kredi Enpo Djòb Excelsior (Excelsior Jobs Tax Credit Program) la ki baze sou pèfòmans. Konpayi an pral elaji operasyon li yo nan Etazini atravè yon nouvo etablisman ke yo rele Rochester Hub, ke y ap konstwi kounye a sou yon pasèl tè apeprè 17 ekta ke yo te konnen kòm ansyen Eastman Business Park South (Sid Pak Komèsyal Eastman). Sa a se anplis premye etablisman Ameriken Spoke Li-Cycle k ap opere kounye a nan pak komèsyal la, ki te kreye plis pase 35 djòb. Dènye pwojè a prevwa kreye jiska 269 nouvo djòb, ak plis pase 1,000 djòb pandan konstriksyon. Empire State Development (ESD) dakò soutni pwojè sa a avèk jiska 13.5 milyon dola nan kredi enpo Pwogram Travay Excelsior la an echanj angajman pou kreye djòb.

"N ap alimante ekonomi teknoloji pwòp New York la nan sipòt ekspansyon Li-Cycle, ki pral non sèlman ogmante rezèv batri lityòm-ion nou an, men tou ki pral rechaje endistri depo enèji k ap pwospere nou an", **Gouvènè Hochul te deklare.** "Avèk sipò eta a, Li-Cycle ap pote plis pase 260 nouvo djòb nan rejon Finger Lakes pandan I ap sipòt sektè enèji pwòp eta nou an. Administrasyon mwen an pran angajman pou sipòt pwojè ki pral kontinye ranfòse kwasans ekonomik eta nou an epi kreye yon avni ki pi pwòp, ki pi rezistan pou tout Nouyòkè yo".

An janvye 2020, Empire State Development te anonse ke Li-Cycle t ap etabli premye etablisman li ki baze nan Etazini li nan Eta New York nan yon efò pou eksplwate gwo chèn apwovizyònman batri lityòm-ion ki disponib nan tout peyi a. ESD a ap asiste Li-Cycle avèk jiska 13.5 milyon dola atravè Pwogram Kredi Enpo Djòb Excelsior ki baze sou pèfòmans lan yon fwa biznis lan kòmanse satisfè nouvo angajman pou travay yo. Konte Monroe ansanm ak Antrepriz Greater Rochester (Greater Rochester Enterprise, GRE) te asiste pwojè sa tou. Li-Cycle prevwa kòmanse mete an sèvis etablisman Rochester Hub la pa etap an 2023.

Operasyon "Spoke" ak "Hub" (ti enstalasyon ak gwo sant distribisyon) Li-Cycle a pral konpleye youn lòt. Li-Cycle kounye a gen plizyè Spokes (ti enstalasyon) ki baze nan Etazini ki trete batri nan fen lavi yo ak dechè fabrikasyon batri atravè yon pwosesis esklizif ki pwodui yon minimòm dlo ize ak emisyon. Pwodwi prensipal Li-Cycle's Spokes se mas nwa, ki gen yon kantite metal enpòtan anpil, tankou lityòm, kobalt ak nikèl. Li-Cycle pral transfòme mas nwa a pou tounen materyèl batri nan 'Hub' la nan yon fason ki dirab ekolojikman, lè I sèvi avèk teknoloji esklizif li yo.

Operasyon 'Spoke' la kapab dechikte jiska 5,000 tòn batri lityòm-ion pa ane. Finalman, etablisman "Hub" (gwo sant distribisyon) la pral resevwa mas nwa ki soti nan lokal spoke li yo atravè peyi Etazini epi trete materyèl batri ki ekivalan a apeprè 225,000 veyikil elektrik chak ane. Apwovizyònman materyèl enpòtan pou batri nan peyi a pral gen yon enpak enpòtan sou ekonomi, anviwònman ak sekirite nasyonal Etazini.

Fondatè ak Direktè Egzekitif Jeneral Li-Cycle, Ajay Kochhar, te deklare, "Nou kontan pou nou elaji ak grandi enstalasyon Spoke & Hub nou yo nan zòn Rochester a epi nou remèsye ESD pou sipò solid yo. Avantaj Li-Cycle kòm pyonye mete I nan yon pozisyon ekselan pou kontinye evolye ak founi materyèl batri kritik pou konstriktè ak fabrikan otomobil yo pou yo kapab satisfè kondisyon apwovizyònman materyèl nan peyi a. Teknoloji patante ak adapte ak anviwònman nou yo se yon fason ki pwouve ak lidè pou resikle pil lityòm-ion epi yo pral ede akselere tranzisyon vè enèji pwòp la".

Li-Cycle, ki te fonde an 2016 nan Ontario, Kanada, te devlope epi te valide yon pwosesis inik ki pèmèt yo rekipere jiska 95 poustan tout materyèl yo jwenn nan batri lityòm-ion yo pandan y ap kenbe yon devèsman dlo ize ki ba epi pandan yo ap aktyalize objektif zewo dechè konpayi an. Yo trete tout materyèl ke yo rekipere ki soti nan batri lityòm-ion yo nan nivo ke yo kapab re-tilize yo nan pwodiksyon batri oswa pou itilize nan lòt aplikasyon.

Pwojè Rochester "Hub" Li-Cycle la fonde sou istwa siksè ki se renesans Eastman Business Park, kote plis pase 6,000 moun ap travay nan 114 konpayi ki ap fonksyone kounye a nan pak la. Lòt efò teknoloji dirab yo nan EPB (Eastman Business Park) a vize devlope ekosistèm enèji dirab la ki gen ladan Sant Tès ak Komèsyalizasyon BEST (BEST Test and Commercialization Center) la, Sant Asanblaj Telefòn Selilè Kodak (Kodak Cell Assembly Center) ak Plug Power. Lòt konpayi ki ap pwospere tou nan EBP a gen ladan DuPont, ki ap jere pi gwo etablisman fèmantasyon pwobyotik nan monn lan, L3 Harris, LiDestri Food & Drink.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Envestisman nou an nan etablisman resiklaj batri lityòm-ion Li-Cycle lan nan Eastman Business Park reprezante angajman kontinyèl Eta New York nan konpayi an k ap inove ak kreye opòtinite ekonomik nan enèji dirab. Pwojè vizonè sa a pral ajoute djòb ki gen bon jan kalite nan rejon Finger Lakes ak fè avanse efò nou yo pou etabli Eta New York kòm yon lidè global nan estokaj enèji".

Senatè Eta a Jeremy Cooney te deklare, "Agrandisman Li-Cycle nan pwòp Eastman Business Park nan Rochester se yon envestisman enpòtan pou kwasans ekonomik kontinyèl rejon nou an. Pwojè sa a k ap pote plis pase 200 djòb pèmanan, byen peye, ekolojik ak plizyè milye djòb pandan faz konstriksyon an, asire Greater Rochester rete yon lidè nan avansman teknologik. Mwen rekonesan anvè Gouvènè Hochul ak Empire State Development pou sipò kontinyèl yo nan travay ki gen enpak sa a."

Manm Asanble Joshua Jensen te deklare, "Anons jodi a se yon lòt egzanp sou fason kominote nou an gen yon pozisyon inik pou l vin yon lidè endistri a nan devlope ekonomi pwochen jenerasyon nou an. Envestisman Li-Cycle nan Eastman Business Park ak Konte Monroe pral non sèlman bay opòtinite ekonomik pou kominote ak eta sa a, men li pral asire ke biznis nou an ak enfrastrikti teknologik yo prepare inikman pou kontinye devlope pandan lòt biznis yo ap deside si y ap envesti oswa pa envesti nan Rochester kòm nouvo kay yo".

Chèf Egzekitif Konte Monroe a, Adam Bello te deklare, "Li-Cycle ap kreye plizyè santèn djòb ki byen peye pou vwazen nou yo pandan l ap bay yon sèvis ki nesesè anpil pandan mond nou an ap itilize plis batri lityòm-ion nan lavi chak jou nou. Konte Monroe te fyè pou l fè patenarya ak Li-Cycle pou ede elaji operasyon li yo nan Konte Monroe - epi nou rekonesan pou envestisman Gouvènè Kathy Hochul pou ede Li-Cycle grandi plis toujou epi ranfòse ekonomi nou an".

Majistra Rochester, Malik Evans, te deklare, "Mwen vle felisite Li-Cycle pou ekspansyon yo epi remèsye yo paske yo fè envestisman sa a, ki ofri plis prèv ke Rochester se lokal ideyal la pou kwasans djòb teknoloji avanse yo nan 21yèm syèk la. Mwen remèsye Gouvènè Kathy Hochul ak Empire State Development tou paske yo sipòte ekonomi Rochester a atravè Finger Lakes Forward. Ansanm n ap avanse pou nou kreye yon vil ki ranpli ak lespwa avèk yon lavni ki enteresan".

Sipèvizi Vil Greece la, Bill Reilich te deklare, "Vil Greece te travay ak Li-Cycle depi 2019 pou pote envestisman masif sa a nan Eastman Business Park Greece la. Nouvo sipèpozisyon Developman Ekonomik ak Inovasyon Greece la te prepare wout la pou apwobasyon lokal priorité, pandan ekip developman ekonomik mwen an te travay nan tèt kole avèk ajans yo nan tout nivo gouvènman an pou jwenn pèmi anviwònman an ak negosye avantaj yo. Sèl Li-Cycle yo menm te travay pi di pou pote pwojè a isit la. Avèk konstriksyon an kounye a ki ankou sou HUB Li-Cycle, ekip mwen an angaje chak jou pou byen mennen pwojè a jiska li fini. Nou pa te wè developman endistriyèl ak envestisman sou anplè sa a nan Konte Monroe depi plis pase yon deseni epi mwen ap

travay di pou asire ke nou sezi opòtinite sa a. Yon pwojè nan grandè sa a kreye gravite ak kwasans ekonomik segondè, se pa sèlman nan sektè enèji pwòp. Envestisman Li-Cycle nan Greece se tou yon kout pouz pou endistri konstriksyon ak sèvis yo ki tèlman enpòtan nan ekonomi lokal la. Mwen fyè pou m akeyi Li-Cycle nan Eastman Business Park nan Greece epi mwen kontan wè pwojè a ap vanse".

Prezidan Egzekitif ak Direktè Egzekitif Jeneral Kodak, Jim Continenza, te deklare, "Kodak fyè dèsk li fè pati pwojè Li-Cycle Hub, ki reflete angajman nou anvè teknoloji estokaj batri ak enèji ak pwosesis dirab. Pwojè Hub la pral benefisyé gwo resous Eastman Business Park, ki gen ladan sèvis publik, tren, sekirite ak sèvis jesyon enstalasyon yo. Rejyon Rochester a pral benefisyé djòb pwojè a kreye, dirèkteman ak endirèkteman. Epi anviwònman nou an pral benefisyé sèvis rekiperasyon materyèl esklizif Li-Cycle ofri".

Prezidan ak Direktè Egzekitif Jeneral Chanm Komès Rochester a ak Ko-Prezidan Konsèy Developman Ekonomik Rejyonal Finger Lakes la, Bob Duffy, te deklare, "Agrandisman Li-Cycle nan Eastman Business Park se yon lòt prèv ke inovasyon biznis entènasyonal ap pwospere nan Greater Rochester, epi li se yon gwo viktwa pou rejyon nou an. Pandan gwo konpayi sa a gen talan, resous, ak sipò kominote dafè nou an k ap estimile li, nou espere wè yo reyalize pi gwo aktivite siksè toujou. Mwen remèsyé ESD, Konte Monroe, ak ko-fondatè ak Direktè Egzekitif Jeneral Li-Cycle, Ajay Kochhar, paske yo te fè envestisman byen kalkile sa a nan rejyon Greater Rochester".

Prezidan ak Direktè Egzekitif Jeneral Greater Rochester Enterprise la (GRE), Matt Hurlbutt, te deklare, "Plan Li-Cycle yo pou kreye yon sant resiklaj pou batri nan Eastman Business Park montre enpòtans enfrastrikti valab yo ansanm ak ekspètiz sou estokaj enèji ki disponib nan sit sa a nan Rochester, NY. GRE te kowòdone divès resous pou developman ekonomik ki esansyèl pou sekirize envestisman siyifikatif Li-Cyle ak kreyasyon 220 novo djòb nan kominote nou an".

Pou Plis Enfòmasyon konsènan Li-Cycle, ale sou: <https://li-cycle.com/>.

Akselerasyon pwogram Finger Lakes Forward

Anons jodi a vin konplete pwogram "Finger Lakes Forward", ki se plan global rejyon an pou jenere kwasans ekonomik djanm ak devlòpman kominotè. Plan ki fèt sou plan rejyonal la konsantre sou envesti nan endistri kle, sa enkli fotonik, agrikilti ak pwodiksyon manje, ak manifakti avanse. Kounye a, rejyon an ap akselere Finger Lakes Forward gras ak yon envestisman 500 milyon dola Eta a ap fè nan kad Inisyativ Revitalizasyon Rejyon Nò Eta a. Envestisman 500 milyon dola Eta a pral ensite biznis prive yo envesti plis pase 2.5 milya dola – epi plan rejyon an, jan yo soumet li a, prevwa jiska 8,200 novo djòb. Gen plis enfòmasyon ki disponib [isit la.](#)

Enfòmasyon sou Empire State Development

Empire State Development (ESD) se prensipal ajans developman ekonomik New York (www.esd.ny.gov). Misyon ESD se pou pwomouvwa yon ekonomi ki djanm ak pwospè, ankouraje kreyasyon novo travay ak opòtinite ekonomik, ogmante resèt pou Eta a ak

minisipalite li yo, epi fè ekonomi lokal yo vin estab ak divèsifye. Gras a itilizasyon prè, sibvansyon, kredi taks ak lòt fòm asistans finansye yo, ESD ap fè efò pou amelyore envestisman biznis prive ak kwasans pou sipòte kreyasyon travay epi sipòte kominote pwospè yo toupatou nan Eta New York. ESD se egalman ajans administratif prensipal k ap kontwole Konsèy Developman Ekonomik Rejyonal (Regional Economic Development Councils) la ak komèsyalizasyon "I LOVE NEW YORK", mak touris anblematik Eta a. Pou jwenn plis enfòmasyon sou Konsèy Rejyonal yo ak Empire State Development, ale sou www.regionalcouncils.ny.gov ak www.esd.ny.gov.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418